



THEOT Amos in UNESCO 10.04

Ff. 117r–120v

For the book of Amos the following people were involved in creating drafts 1 through 3: Maija Priess, Jeremy Brown, Steve Delamarter, Shaun Short, Curt Niccum, Garry Jost; draft 4, Hiwot Samuel; draft 5 Ralph Lee

Nota Bene: Images may be viewed at the University of Hamburg Betamasaheft website at <https://betamasaheft.eu/manuscripts/DimmaUnesco1004/viewer> (starting at image 117)

Amo 01:00 ምዕራፍ ፩

Amo 01:01 ቃለ እግዚአብሔር ዘኮነ ኅበ አሞጽ በአቃሪም ዘቴቀራሔ ዘርእየ በእንተ ኢየሩሳሌም ወበእንተ ጁኤል በመዋዕለ ምዘያን ንጉሠ ይሁዳ ወበመዋዕለ ኢየርብአም ወልደ ዮአስ ንጉሠ እስራኤል እምቅድሙ ጄዓመት ዘድልቅልቅ

Amo 01:02 ወይቤ እግዚአብሔር እምጽዮን ነበበ ወእምኢየሩሳሌም ወሀበ ቃሎ ለሐዉ መራዕየ ናሎት ወየብሰ ርእሱ ለቀርጫሎስ

Amo 01:03 ወይቤ እግዚአብሔር በእንተ ሠላስ ኃጢአቶሙ ለደማስቆ ወበእንተ አርባዕ ኢይትመየሎሙ እስመ ወሠርዎን በሞሰርተ ሐዲን ለፅኑሳተ ገለአድ

Amo 01:04 ወእፌኑ እሳተ ላዕለ ቤተ አዛሔል ወትበልዕ መሠረታቲሁ ለወልደ አደር

Amo 01:05 ወእቀጠቅጥ መናሥግቲሃ ለደማስቆ ወእሤርዎሙ ለሰብአ አሞን ኅበ እሜትሮሙ ለአሕዛብ ሰብአ ካራን ወይጼወዉ ቁረ ሕዝቦሙ ለሶርያ ይቤ እግዚአብሔር

Amo 01:06 ከመዝ ይቤ እግዚአብሔር በእንተ ሠላስ ኃጢአቶሙ ለጋዛ ወበእንተ አርባዕ ኢይትመየሎሙ እስመ ዐፀዉ ዪዋሁ ለሰሎሞን ከመ ይዕፅወ-ዎሙ ውስተ ኤዶምያስ

Amo 01:07 ወእፌኑ እሳተ ላዕለ አረፍተ ጋዛ ወትበልዕ መሠረታቲሃ

Amo 01:08 ወእሤርዎሙ ላዕለ ይነብሩ አዛጦን ወይጠፍኡ አሕዛብ አስቀሎና ወአመጽእ እደየ ላዕለ አቃሮን ወይጠፍኡ ምስለ ሕዝብ ኢሎፍሊ እለ ተርፉ ይቤ እግዚአብሔር

Amo 01:09 ከመዝ ይቤ እግዚአብሔር በእንተ ሠላስ ኃጢአቶሙ ለጢሮስ ወበእንተ አርባዕ ኢይትመየሎሙ እስመ ዐፀዉ ዪዋሁ ለሰሎሞን ውስተ ኤዶምያስ ወኢተዘከሩ ኪዳነ አበዊሆሙ

Amo 01:10 ወእፌኑ እሳተ ላዕለ አረፍተ ጢሮስ ወትበልዕ መሠረታቲሃ

Amo 01:11 ከመዝ ይቤ እግዚአብሔር በእንተ ሠላስ ኃጢአቶሙ ለኤዶምያስ ወበእንተ አርባዕ ኢይትመየሎሙ እስመ ዴገኖ ለእኑሁ በኩናት ወአርኩስ ማኅፀነ ዲበ ምድር ወበርበሮ እንዘ ይዘልፎ ወያደነግዖ ወዐቀበ መራደ በዘይመጽእ

Amo 01:12 ወእፌኑ እሳተ ላዕለ ቴማን ወትበልዕ መሠራታተ አረፋቲሃ ለባሶር

Amo 01:13 ከመዝ ይቤ እግዚአብሔር በእንተ ሠላስ ኃጢአቶሙ ለደቂቀ አሞን ወበእንተ አርባዕ ኢይትመየሎሙ እስመ አንቅዕዎን ለጽኑሳተ ገለአድ ወአኬድዎ ለእክሎሙ

Amo 01:14 ወአነድድ እሳተ ላዕለ አረፍተ ራባ ወትበልዕ መሠረታቲሃ በውውዐ አመ ዕለተ ቀትል ወታድለቀልቅ በዕለተ ያኃልቅዋ

Amo 01:15 ወይጼውው-ዎሙ ለነገሥቶሙ ወለመኳንንቲሆሙ ወለካህናቲሆሙ ኅቡረ ይቤ እግዚአብሔር

Amo 02:01 ከመዝ ይቤ እግዚአብሔር በእንተ ሠላስ ኅጢአቶሙ ለሞአብ ወበእንተ አርባእ ኢይትመየሎሙ እስመ አውዓዩ አእጽምቲሁ ለንጉሠ ኤዶምያስ ለግምስስ



- Amo 02:02 ወእፌኑ እሳተ ላዕለ ሞክብ ወትበልዕ መሠረታቲሃ ወአውግሪሃ ወትመውት ሞክብ በድካም በውውዓ ወበቃለ ቀርን
- Amo 02:03 ወእሜርዎሙ ለመኳንንቲሃ ወለኩሎሙ መላእክቲሃ ምስሌሃ ይቤ እግዚአብሔር
- Amo 02:04 ከመዝ ይቤ እግዚአብሔር በእንተ ሠላስ ኃጢአቶሙ ለደቂቀ ይሁዳ ወበእንተ አርባዕ ኢይትመየጦሙ እስመ ዐለዉ ሕገ እግዚአብሔር እግዚአሙ ወኢዓቀቡ ትእዛዞ ወአስሐቶሙ ከንቶሆሙ ዘገብሩ አበዊሆሙ እሙንቱኒ ተለዉ ድኅሬሆሙ
- Amo 02:05 ወእፌኑ እሳተ ላዕለ ይሁዳ ወትበልዕ መሠረታቲሃ ለኢየሩሳሌም
- Amo 02:06 ከመዝ ይቤ እግዚአብሔር በእንተ ሠላስ ኃጢአቶሙ ለእስራኤል ወበእንተ አርባዕ ኢይትመየጦሙ እስመ ሜጡ ጻድቀ በወርቅ ወነዳየ በአሳዕን
- Amo 02:07 በዘይከይዱ ምድረ ወይኩርኡ አርእስተ ነዳዩን ወይመይጡ ፍትሐ ምስኪናን አብ ወወልድ ይበውኡ ኅበ አሐቲ ብእሲት ከመ ያርኩሱ ሕገ አምላኮሙ
- Amo 02:08 ወየዓሥሩ አልባሲሆሙ ወይገብሩ መንጦላዕተ ዲበ ምሥዋዕ ወይሰትዩ ወይነ ትዕግልት በቤተ አምላኮሙ
- Amo 02:09 ወአንስ አጥፋዕክዎ ለአሞሬዎን እምቅድሜሆሙ ዘኑኑ ከመ ኑኃ አርዝ ወፅንዑ ከመ ጽንዓ አውልዕ ወአጥፋእኩ ፍሬሁ እምላዕሌሁ ወሥርዎሂ በታሕቴሁ
- Amo 02:10 ወእነ አውጻእክዎሙ እምድረ ግብፅ ወወሰድክዎሙ ገዳመ ሿዓመተ ከመ አውርሶሙ ምድረ አሞሬዎን
- Amo 02:11 ወነሣእኩ እምደቂቆሙ ነቢያተ ወእምወራዙቲሆሙ እለ ይትቆደሱ ኢኮነሁ ከመዝ ደቂቀ እስራኤል ይቤ እግዚአብሔር
- Amo 02:12 ወታስትይዎሙ ወይነ ለቅዱሳን ወትክልእዎሙ ለነቢያት ወትብልዎሙ ኢትትነበዩ ለነ
- Amo 02:13 በእንተ ዝንቱ ናሁ አንኩረኩረክሙ በታሕቴክሙ ከመ ያንኩረኩር ሰረገላ ብርዓ
- Amo 02:14 ወኢይክል ረዋጺ አምስጦ ኃያልኒ ኢይእኅዝ በጽንዑ ወመስተቃትልኒ ኢያድኅን ነፍሶ
- Amo 02:15 ወነዳፊኒ ኢይቀውም ወረዋጺኒ ኢያመሥጥ ወመስተፅዕንኒ ኢያወፅእ ነፍሶ
- Amo 02:16 ወኃያልኒ ልብ ኢይቀውም በዕለተ ቀትል አላ ዕራቁ ይጐይይ ይእተ አሚረ ይቤ እግዚአብሔር
- Amo 03:01 ስምዑ ዘንተ ነገረ ዘይቤለክሙ እግዚአብሔር ቤተ እስራኤል ወኩሎ ሕዝብ ዘአውጻእኩክሙ እምድረ ግብጽ እንዘ እብል
- Amo 03:02 ዳእሙ ኪያክሙ አእመርኩ እምኩሎ አሕዛበ ምድር በእንተ ዝንቱ እትቤቀለክሙ በእንተ ኩሎ ኃጢአትክሙ
- Amo 03:03 የሐውሩኑ ክልኤቱ ኅቡረ ዘእንበለ ይትረአዩ
- Amo 03:04 ይጥኅርኑ አንበሳ በውስተ ግቡ በኩእንዘቦ ዘይበልዕ ይጥኅርኑ እንል አንበሳ በውስተ ግቡ በኩእንዘቦ ዘይመስጥ
- Amo 03:05 ይወድቅኑ ያፍ ውስተ መሥገርት ዘኢተሠግረ ይትጋባእኑ መሥገርት እንበለ የአኃዝ
- Amo 03:06 ይነፍሑ ቀርነ በሀገር ወኢይደነግፁኑ አሕዛብ ይመጽእኑ እኩይ ውስተ ሀገር ዘእግዚአብሔር ኢገብረ
- Amo 03:07 እስመ አልቦ ዘይገብር እግዚአብሔር ዘኢከሠተ ወዘኢነገረ ለአግብርቲሁ ነቢያት
- Amo 03:08 አንበሳ ይጥኅር ወመኑ ኢይፈርህ ወእግዚአብሔር ነበበ ወመኑ ዘኢይትነበይ
- Amo 03:09 ዜንውዎሙ ለበሐውርተ አሞን ወለበሐውርተ ፋርስ ወበልዎሙ ተጋብኡ ውስተ ሰማርያ ወርእዩ መንክረ ብዙኃ ዘሀሎ በማእከላ ወትዕግልተ ዘውስቲታ
- Amo 03:10 ወኢያእመረት ዘይመጽእ ላዕሌሃ እግዚአብሔር እለ ይዘግቡ ዓመፃ ወኅርትምና ውስተ በሐውርቲሆሙ
- Amo 03:11 በእንተ ዝንቱ ከመዝ ይቤ እግዚአብሔር እግዚእ እስከ ጢሮስ ዓውድኪ ይማስን ምድርኪ ወእሥዕሮ ለኃይልኪ እምኔኪ ወይትበረበራ በሐውርትኪ
- Amo 03:12 ከመዝ ይቤ እግዚአብሔር በከመ ያነግፍ ኖላዊ እምአፈ አንበሳ እግረ አው ርእስ ከማሁ ይወፅኡ ደቂቀ እስራኤል እለ ይነብሩ ሰማርያ አሕዛበ ደማስቆ
- Amo 03:13 ስምዑ ካህናት ወናሁ አሰምዕ ለቤተ ያዕቆብ ይቤ እግዚአብሔር ዘኩሎ ይመልክ



- Amo 03:14 እስመ በይእቲ ዕለት አመ ተበቀልክዎሙ ኃጢአቶሙ ለእስራኤል ይትነሡት ምሥዋዒሆሙ ወይሰበር አቅርጎት ምሥዋዕ ወይወድቅ ውስተ ምድር
- Amo 03:15 ወእቀትሎሙ ለቤተ ምክራም ወለቤተ ሐጋይ ወይትጎጡሉ አብያት ዘቀርነ ነጌ ወይትዌሰኩ አብያት ካልአን ብዙኃን ይቤ እግዚአብሔር
- Amo 04:01 ሰምዑ ዘንተ ነገረ እጎልተ ባሳን እለ ውስተ አድባረ ሰማርያ እለ ይትዔገላ ነዳየ ወይክይዳ ምስኪን እለ ይብላሆሙ ለአጋዕዝቲሆሙ ሀቡነ ንብላዕ ወንሰተይ
- Amo 04:02 መሐለ እግዚአብሔር በርእሱ ናሁ ይመጽእ መዋዕል ይቤ እግዚአብሔር ወይነሥኡክሙ በንዋየ ሐቅሎሙ ወእለሂ እምኔክሙ ያበሰሉክሙ በጽሕርት ኦእኩያን ወጽልሕዋን
- Amo 04:03 ወያወጽኡክሙ ዕራቃኒክሙ ወትትናጻፉ በበይናቲክሙ ወእገድፈክሙ ውስተ ደብረ ሬማ ይቤ እግዚአብሔር እግዚእ
- Amo 04:04 ቦእክሙ ቤቴል ወአበሰክሙ ወበገልገላሂ ኣብዛካክሙ ኃጢአተክሙ ወአምጻእክሙ መሥዋዕተክሙ በጽባሕ ወእስከ ሠሉሰ ዕለት አሥራቲክሙ
- Amo 04:05 ወዓጠንክሙ በአፍአ ወሰመይክምዎ መሥዋዕተ ፈቃድ ንግሩ ዘአፍቀሩ ደቂቀ እስራኤል ይቤ እግዚአብሔር እግዚእ
- Amo 04:06 ወአነ እሁብክሙ ትፅርሁ ስነኒክሙ በኩሉ ፍናዊክሙ ወረጎበ እክል በኩሉ በሐውርቲክሙ ወኢተመየጥክሙ ኅቤየ ይቤ እግዚአብሔር
- Amo 04:07 ወአነ ከላእኩክሙ ዝናመ እምቅድመ ቪአውራኅ ዘማእረር ወአዘንም ውስተ ገጸ አሐቲ ሀገር ወውስተ ካልእታ ኢያዘንም ውጎበ ኢይዘንምስ ይየብስ
- Amo 04:08 ወይትጋብኦ ብዙኃት አህጉር ውስተ አሐቲ ሀገር ይሰትያ ማየ ወኢይረውያ ወምስለ ከመዝ ኢተመየጥክሙ ኅቤየ ይቤ እግዚአብሔር
- Amo 04:09 ወአነ ቀሠፍኩክሙ በፈጻንት ወበብድብድ ወሠሚሮ አቅማኒክሙ ወወይንክሙ ወበለስክሙ ወዘይትክሙ በልዎ አናኩዕ ወምስለ ከመዝ ኢተመየጥክሙ ኅቤየ ይቤ እግዚአብሔር
- Amo 04:10 ወፈነውኩ ላዕሌክሙ ሞተ ግብጽ ወቀተልክዎሙ በኩናት ለወራዙቲክሙ ወማኅረኩ አፍራሲክሙ ወአምጻእኩ እሳተ ላዕለ ተዓይኒክሙ ወቀሠፍኩክሙ ወበዝኒ ኢተመየጥክሙ ኅቤየ ይቤ እግዚአብሔር
- Amo 04:11 ገፍታዕኩክሙሂ ከመ ገፍታዕክዎሙ ቅድመ ለሰዶም ወለገሞራ ወኮንክሙ ከመ ትንታገ እሳት ዘአውፅእዎ እምአፍሐም ወበዝኒ ኢተመየጥክሙ ኅቤየ ይቤ እግዚአብሔር
- Amo 04:12 ወበእንተ ዝንቱ ኬ ከመዝ እሬሰየከ እስራኤል ይቤ እግዚአብሔር እስመ ከመዝ ዘእሬሰየከ ትደሎ ከመ ትጸውእ ስመ አምላክከ እስራኤል
- Amo 04:13 እስመ አነ ውእቱ ዘአጸንዕ ነጎድንደ ወእፈጥር መንፈሰ ለብእሲ ከመ ይዜኑ በእንተ መሲሑ ዘይገብር በጽባሕ ወይትሌዓል ውስተ ኑኃ ለምድር እግዚአብሔር እግዚእ ዘኩሎ ይመልክ ስሙ
- Amo 05:01 ሰምዑ ዘንተ ነገረ ዘአወፅእ ላዕሌክሙ አነ ሰቆቃው
- Amo 05:02 ለቤተ እስራኤል ወድቀት ወኢተንሥኦት እንከ ድንግለ እስራኤል ድሕፀት በውስተ ምድራ ወኃጥኦት ዘያነሥኦ
- Amo 05:03 ከመዝ ይቤ እግዚአብሔር ሀገር እንተ እምውስቴታ ይወፅኡ ዐሠርቱ ምእት ይተርፉ ፻ ወእንተ እምኔሃ ይወፅኡ ምእት ይተርፉ ዐሠርቱ ለቤተ እስራኤል
- Amo 05:04 ከመዝ ይቤ እግዚአብሔር ለቤተ እስራኤል ኅሠኒአ ወተሐይው
- Amo 05:05 ወኢትኅሥሡ ቤቴል ወኢትሑሩ ገልገላኒ ወኢትዕርጉ ኅበ አዘቅተ መሐላ እስመ ገልገላኒ ተገልግሎ ትትገለገል ወቤቴልኒ ኮነት ከመ ዘኢሀለወት
- Amo 05:06 ኅሥዎ ለእግዚአብሔር ወተሐይው ከመ ኢትንድድ ከመ በእሳት ቤተ ዮሴፍ ወትበልዎሙ ወየኃጥኡ {ዘየኃጥኡ} ዘያጠፍእ ሎሙ እሳቶሙ ለቤተ እስራኤል
- Amo 05:07 እግዚአብሔር ዘይገብር ውስተ በሰማይ ወያጸምዕ ፍትሐ ውስተ ምድር
- Amo 05:08 ዘይገብር ኩሎ ወያስተራትዕ ወይመይዎ ለብርሃን መንገል መስዕ ወያጸልም መዓልተ ከመ ሌሊት ዘይጹውዎ ለማየ ባሕር ወይክዕዎ ውስተ ገጸ ምድር እግዚአብሔር ዘኩሎ ይመልክ ስሙ
- Amo 05:09 ዘያነሥኦ ቅጥቃጤ ላዕለ ኃያላን ወኃህረ ያመጽእ ላዕለ አጽዋን



- Amo 05:10 እምኅኅት ጸልኡ ዘይጌሥጸሙ ወአስቈረሩ ቃለ ጽድቅ
- Amo 05:11 ወይኩርኡ አርእስተ ነዳያን ወነሣእክሙ ሕልያነ በጎቤሆሙ ወጎረይክሙ አብያተ ሠናያነ ተሐንጹ ወኢትነብሩ ውስቴቶሙ ወትተክሉ ወይነ መፍትወ ወኢትሰትይዎ ለወይንክሙ
- Amo 05:12 እስመ ርኢኩ ብዙኃ ኃጢአተክሙ ወዓቢየ ጌጋየክሙ ተሃይድዎ ለጻድቅ ወትነሥኡ ቤዛ ወታቴክሉ ነዳየ በውስተ ኅኅት
- Amo 05:13 በእንተ ዝንቴ ጠቢብኒ ያረምም ይእተ አሚረ እስመ እኩይ መዋዕሊሁ
- Amo 05:14 ጎሡ ሠናየ ወአኮ እኩየ ከመ ትሕየዉ ከመ ዘሀሎ እግዚአብሔር ምስሌክሙ ዘኸሎ ይመልክ እመሰ ትቤሉ
- Amo 05:15 ጸላእነ እኩየ ወአፍቀርነ ሠናየ አግብኡ ፍትሐ በጎብ አንቀጽ ከመ ይሣሃልክሙ እግዚአብሔር አምላክ ዘኸሎ ይመልክ ለተረፈ ዮሴፍ
- Amo 05:16 በእንተ ዝንቴ ከመዝ ይቤ እግዚአብሔር ዘኸሎ ይመልክ ውስተ ኸሉ መርጎብ ብካይ ወውስተ ኸሉ ፍኖት አውያት ወይላሑ ሐረሣዊ ወይበኪ
- Amo 05:17 ወእለሂ የአምሩ ሰቆቃወ ይበከዩ ውስተ ኸሉ ፍኖት እስመ የሐልፍ ሞት እንተ ማእከሌኪ ይቤ እግዚአብሔር
- Amo 05:18 አሌ ሎሙ ለእለ ይፈትውዋ ለዕለተ እግዚአብሔር አኮኑ ጽልመት ይእቲ ወኢኮነት ብርሃነ
- Amo 05:19 ከመ ሶበ ይጎይይ ሰብእ እምአንበሳ ወይረክቦ ድብ ወይበውእ ውስተ ቤት ወያሰምክ በአረፍት ወይነስኮ አርቄ ምድር
- Amo 05:20 ከማሁኬ ጽልመት ይእቲ ዕለተ እግዚአብሔር ወኢኮነት ብርሃነ ወቆባር ይእቲ ወአልባ ጸዳል
- Amo 05:21 ጸላእኩ ወአርሐቁ በዓላቲክሙ ወኢያጹኑ መዐዛ መሥዋዕቲክሙ
- Amo 05:22 እመኒ አምጸእክሙ ሊተ መሥዋዕተክሙ ወቑርባነክሙ ኢይትሜጠዎ ለክሙ ወኢይኔጽር ለክሙ መሥዋዕተ መድኃኒትክሙ
- Amo 05:23 አርጎቁ እምኔየ ቃለ ማጎሌትክሙ ወኢያጸምእ መዝሙረ መሰንቆክሙ
- Amo 05:24 ወየሐዝ ፍትሕ ከመ ማይ ወጽድቅኒ ከመ ውሒዘ በድው
- Amo 05:25 ቦኑ ዘአባእክሙ ሊተ መሥዋዕተ ወቑርባነ ኗዓምተ በገዳም ኦቤተ እስራኤል ይቤ እግዚአብሔር
- Amo 05:26 ወነሣእክሙ ደብተራ ሞሎሕ ወኮከበ አምለክሙ ዘስሙ ሬፋን ዘገበርክሙ በአርአያሆሙ ለአሞሬዎን
- Amo 05:27 ወአፈልሰክሙ ርጎቀ እምደማስቆ ይቤ እግዚአብሔር ዘኸሎ ይመልክ ስሙ
- Amo 06:01 አሌሎሙ ለእለ ይሜንንዋ ለጽዮን ወለእለ ይትአመኑ በደብረ ሰማርያ ቀሰምዎሙ መላእክተ አሕዛብ
- Amo 06:02 ሑሩ ቤተ እስራኤል ወባኡ ውስተ ካሌና ከመ ትርአዩ እደወ እለ ሀለዉ ውስቴታ ወርእዩ ወጎልፉ ኤማትርቦ ወረዱ ውስተ ጌት ዘኢሎፍሊ ዘይጸንዑ እምኸሉ እሉ ነገሥት እስመ ዘይበዝጎ ብሔር ደወለ ዚአሆሙ ውእቱ
- Amo 06:03 አሌሎሙ ለእለ ይትሜነይዋ ለዕለት እኪት ወለእለ ያቀርቡ ወያስተላጽቁ ሰንበታተ ሐሰት
- Amo 06:04 እለ ይሰክቡ ውስተ ዓራት ዘቀርነ ነጌ ወይትፈግዑ ውስተ ምስካቢሆሙ እለ ይሴሰዩ መሐስእ እምውስተ መራዕይ ወመቑዓለ ላህም እምውስተ አዕጻዳተ ወፍር
- Amo 06:05 እለ ይጠፍሑ ወየጎብሩ ምስለ ቃለ እንዚራ ወይመስሎሙ ዘኢየኃልፍ ወኢየአምሩ ከመ ያመሥጦሙ
- Amo 06:06 እለ ይሰትዩ ወይነ በማጎው ወበቢረሌ ፀዓዳ ወይትቀብኡ ዕፍረተ ቅድወ
- Amo 06:07 ወእሙንቴሰ የሐምሙ በቀዳሚ ተዓውዎ ይእኬ አበይቶሙ ይቀድሙ ወየሐልቁ አፍራስ ኤፍሬም ረዋጽያን
- Amo 06:08 እስመ መሐለ እግዚአብሔር በርእሱ እንዘ ይብል ኣነ አኃሥሮ ለእበየ ያዕቆብ ወጸላእኩ በሐውርቲሁ ወአጠፍእ አጎጉሪሁ ምስለ እለ ይነብሩ ውስቴቶን
- Amo 06:09 ወእለሂ የአክሉ ፒጀ ውስተ ጂቤት ይመውቱ ወኢይተርፉ
- Amo 06:10 ይነሥእምሙ ወይትኔየልዎሙ ወያወፅኡ አዕፀምቲሆሙ እምነ ቤት ወይቤሎ ለዐቃቤ ቤት ቦሁ ዘይተርፍ ጎቤክ ወይብል አልቦ ወይቤሎ አርምምኬ ከመ ኢይጸውዑ ስመ እግዚአብሔር
- Amo 06:11 እስመ ናሁ ይእኬ ይኤዝዝ እግዚአብሔር ወይነጽሑ ለዓቢይ ቤት በድቀት ወለንዑስ ቤት በንጽሐት



- Amo 06:12 ያረውጹኑ አፍራስ ውስተ ኩኩሕ በሊሐት ወኢያረምምኑ እምአንሶት እስመ አንትሙ ሜጥክሙ ፍትሐ ውስተ መዓት ወአምረርክሙ ፍሬ ጽድቅ
- Amo 06:13 አሌሎሙ ለእለ ይትፈሥሐ በነገረ ከንቱ ወይብሉ አኮኑ በኃይልነ በቁለ ዘርንነ
- Amo 06:14 በእንተ ዝንቱ ናሁ ኣነ ኣነሥእ አሕዛብ ላዕሌክሙ እለ ይሳቅዩክሙ ቤተ እስራኤል ወአብውሆሙ ይባኡ እስከ ኤማት ወእስከ ፈለገ ዐረብ
- Amo 07:01 እስመ ከመዝ አርአየኒ እግዚአብሔር ወናሁ ይመጽእ አንበጣ እምጽባሕ ጄደጎብያ ጎግ ንጉሥ
- Amo 07:02 ወይበልዕ ኩሎ ሣዕረ ምድር ወያኃልቅ ወእቤ እግዚአ እግዚአ ተሣሃሎ ሙኑ ያነሥእ ለያዕቆብ እስመ ውሑድ ውእቱ
- Amo 07:03 ወነስሐ እግዚአብሔር እግዚእ በእንተ ዝንቱ ወዝኒ ኢይመጽእ ይቤ እግዚአብሔር
- Amo 07:04 ከመዝ አርአየኒ እግዚአብሔር ወናሁ ጸውዓ እግዚአብሔር በዐቢይ ቃል እሳተ ወበልዓት ዐቢየ ቀላየ ወበልዓት መክፈልቶሙ
- Amo 07:05 ወእቤ ኣነ ሕድግ እግዚአ ሙኑ ያነሥእ ለያዕቆብ እስመ ውሑድ ውእቱ
- Amo 07:06 ነስሐ እግዚአ በዐይነ ዝንቱ ወዝኒ ኢይመጽእ ይቤ እግዚአብሔር
- Amo 07:07 ከመዝ አርአየኒ እግዚአብሔር ብእሲ ይቀውም መልዕልተ አድማስ ወውስተ እዴሁ አድማስ
- Amo 07:08 ወይቤለኒ እግዚአብሔር ምንተ ትሬኢ አሞጽ ወእቤ አድማስ ወይቤለኒ እግዚአብሔር ናሁ ኣነ እኤዝዝ አድማስ ማእከለ ሕዝብየ እስራኤል ወኢይደግም እንከ አናሕሰዮ ሎሙ
- Amo 07:09 ወይማስኑ አውግረ ዛውዕ ወይጠፍኡ ጌራቶሙ ለእስራኤል ወአነሥእ ኩናተ ላዕለ ቤተ ኢዮርብአም
- Amo 07:10 ወለኣከ አሜስያስ ካህነ ቤቴል ጎብ ኢዮርብአም ንጉሠ እስራኤል እንዘ ይብል ማዕሌተዓ ይገብር ላዕሌከ አሞጽአ በማእከለ ቤተ እስራኤል ምድርኒ ኢትክል ጸዋሮቶ ለኩሎ ዘይነብብ
- Amo 07:11 ወይብለከ አሞጽ በኩናት ይመውት ኢዮርብአም ወእስራኤልኒ ይጼወዉ እምብሔሮሙ
- Amo 07:12 ወይቤሎ አሜስያስ ለአሞጽ ሑር ወፍልስ ብሔረ ይሁዳ ወንበር በህየ ወበህየ ተነበይ
- Amo 07:13 ወኢትትነበይ በቤቴል እስመ ምኅራመ ነገሥት ይእቲ ወቤተ መንግሥት
- Amo 07:14 ወተሠጥዎ አሞጽ ለአሜስያስ ወይቤሎ አንስ ኢኮንኩ ነቢየ ወኢወልደ ነቢይ ኣላ ተቀራሜ በለስ ኣነ
- Amo 07:15 ወነሥኣኒ እግዚአብሔር እማእከለ አባግዕ ወይቤለኒ እግዚአብሔር ተነበይ ላዕለ ሕዝብ እስራኤል
- Amo 07:16 ወይእዜኒ ስማዕ ቃለ እግዚአብሔር አንተ ትቤ ኢትትነበይ ላዕለ ቤተ እስራኤል ወኢታንጥዮሙ ለቤተ ያዕቆብ
- Amo 07:17 በእንተ ዝንቱ ይቤ እግዚአብሔር ብእሲትከኒ ትዜሙ በሀገር ወደቂቅከኒ ወአዋልዲከኒ ይወድቁ በኩናት ወይሰፍርዋ ለምድርከ በሐብል ወአንተኒ ትመውት በምድር ርኩስ ወይጼወው እስራኤል እምድሮሙ
- Amo 08:01 ከመዝ አርአየኒ እግዚአብሔር ወናሁ ቁረጽ ይቆርጽ ወይቤለኒ እግዚአብሔር ምንተ ትሬኢ አሞጽ ወእቤ ሙዳየ ኤረግ
- Amo 08:02 ወይቤለኒ እግዚአብሔር በጽሐቶሙ ማኅለቅቶሙ ለሕዝብየ እስራኤል ኢያነሐሲ ሎሙ ዳግመ
- Amo 08:03 ወየዐወይዉ በምኩራባቲሆሙ ይእተ አሚረ ይቤ እግዚአብሔር እስመ በዝኃ አብድንቲሆሙ ዘይትነጻሕ ውስተ ኩሎ በሐውርት ወይትኃጉሎ
- Amo 08:04 ስምዑ ዘንተ እለ ታግዕሩ ነዳየ በጽባሕ ወትትዒገሎ ምስኪነ በዲበ ምድር
- Amo 08:05 ወእለ ትብሉ ማእዜ ይሠርቅ ወርኅ ንምላዕ ወናስተማልዕ ወሰንበታትኒ ወናርኑ መዛግብቲነ ወንግበር መስፈርተ ንስቲተ ወናዕቢ መዳልወ ዓመፃ
- Amo 08:06 ወንቅንዮ ለነዳይ በእዳነ ወይኩነነ ምስኪን ዘንከይድ ህየንተ አሣዕኒነ ወንትራባሕ በትግብርተ እክልነ
- Amo 08:07 መሐለኬ እግዚአብሔር በእንተ ትዝኅርቱ ለያዕቆብ ከመ ኢየሐልቅ ተመውጥትክሙ በእንተ ኩሎ ምግባሪክሙ
- Amo 08:08 ኢትትሐወክ ኑ ምድር ብዙኃ ወይላሕዉ ኩሎሙ እለ ይነብሩ ውስቴታ ወይውኅዝ ከመ ፈለግ ቀትል ወይመልእ ከመ ፈለገ ግብጽ
- Amo 08:09 ወይከውን ይእተ አሚረ ይቤ እግዚአብሔር አምላክ ወየአርብ ፀሐይ መዐልተ ቀትር ወይጸልም ዲበ ምድር በዕለተ ብርሃን



Amo 08:10 ወእራስዮን ላሐ ለበዐላቲክሙ ወይከውነክሙ ሰቆቃወ ኩሉ መሐልይክሙ ወአቀንተክሙ ብልባሌ ውስተ ሐቆክሙ ወእወዲ ለክሙ ብርሃተ ውስተ ርእሰ ኩልክሙ ወእራስዮክሙ ከመ ላሐ ፍቁር ወእለሂ ምስሌክሙ ይከውኑ በዕለተ ሕማም

Amo 08:11 እስመ ናሁ ይመጽእ መዋዕል ይቤ እግዚአብሔር ወእፌኑ ረኅብ ውስተ ብሔር ወአኮ ረኅብ እክል ወአኮ ጽምዓ ማይ ረኅብሰ እምሰሚዓ ቃለ እግዚአብሔር

Amo 08:12 የሐውሩ እምባሕር እስከ ባሕር ወይረውዱ እምደቡብ እስከ ጽባሕ ይኅሥሡ ቃለ እግዚአብሔር ወኢይረክቡ

Amo 08:13 ይእተ አሚረ ይጠፍአ ደናግል ላሕያት ወይጠፍኡ ወራዙት ሠናያን በጽምዕ

Amo 08:14 እለ ይምሕሉ በምስሐለ ሰማርያ እንዘ ይብሉ ሕያው አምላክ ዳን ወሕያው አምላክ ቤርሳቤሕ ይወድቁ ወኢይትነሥኡ እንከ

Amo 09:01 ርኢክዎ ለእግዚአብሔር ይቀውም ዲበ ምሥዋዕ ወይቤለኒ ዝብጥ አዕማደ ጽጌያት ወያድለቀልቁ ደዴያት እስመ እቀትሎሙ በኩናት ወይመትርዎሙ አርእስቲሆሙ ወአልቦ ዘያመስጥ እምእለ ተርፉ ወአልቦ ዘይድኅን እምውስቴቶሙ

Amo 09:02 እመኒ ወረዱ ውስተ ቀላይ እምህየኒ እዴየ ታወፅአሙ ወእመኒ ዓርጉ ውስተ ሰማይ እምህየኒ አጸድፎሙ

Amo 09:03 ወእመኒ ተኅብኡ ውስተ ቀርሜሎስ በህየኒ አኃሥሥሙ ወአወፅአሙ ወእመኒ ተሠጥሙ ውስተ ቀላየ ባሕር እምቅድመ አዕይንትየ በህየኒ እኤዝዞ ለከይሲ ወይቀለጸሙ

Amo 09:04 ወእመኒ ዪወውዎሙ ፀሮሙ እምቅድመ ገጽየ በህየኒ እኤዝዞ ለኩናተ ትቅትሎሙ ወአወትር አዕይንትየ ላዕሌሆሙ በእኩይ ወአኮ በሠናይ

Amo 09:05 ይቤ እግዚአብሔር አምላክ ዘኩሎ ይመልክ ዘይገሰሳ ለኩላ ምድር ወያንቀለቅላ ወይላሕዉ ኩሎሙ እለ ይነብርዎ ወይውሕዝ ከመ ፈለግ ቀትል ወይወርድ ከመ ፈለገ ግብጽ

Amo 09:06 ዘየሐንጽ ውስተ ሰማይ ጽርሖ ወይሣርር ውስተ ምድር ትእዛዞ ዘይጼውዖ ለማየ ባሕር ወይክዕዎ ውስተ ገጸ ምድር እግዚአብሔር ዘኩሎ ይመልክ ስሙ

Amo 09:07 ወአኮ ከመ ደቂቀ ኢትዮጵያ አንትሙ በኅቤየ ደቂቀ እስራኤል ይቤ እግዚአብሔር ዘኩሎ ይመልክ አኮኑ እስራኤል ዘአውጻእክዎ እምከላዴዎን ወእምካራን ወእምግብጽ

Amo 09:08 ናሁ አዕይንቲሁ ለእግዚአብሔር ላዕለ መንግሥተ ኃጥአን ወእስዕራ እምገጸ ምድር ወባሕቱ ለግሙራ አኮ ዘአጠፍኦ ለቤተ እስራኤል ይቤ እግዚአብሔር

Amo 09:09 እስመ ናሁ አነ እኤዝዝ እዝርዎሙ ለቤተ እስራኤል ውስተ ኩሉ አሕዛብ ወይመጽኡ

Amo 09:10 ወይመውቱ በኩናት ኃጥአን ሕዝብ እለ ይብሉ ኢትበጽሐነ ወኢትረክበነ እኪት

Amo 09:11 ይእተ አሚረ አሐንጻ ለቤተ ዳዊት እንተ ወድቀት ወእነሥአ ወእነድቃ ከመ አመ መዋዕለ ዓለም

Amo 09:12 ከመ ይኅሥሥዎ እለ ተርፉ ሰብእ ወኩሎሙ አሕዛብ እለ ዲቤሆሙ ተሰምየ ስምየ ይቤ እግዚአብሔር ዘገብረ ዘንተ

Amo 09:13 ናሁ መዋዕል ይመጽእ ይቤ እግዚአብሔር የኃብር ቀስም ምስለ ማእረር ወይትረከብ ዘርእ ምስለ ሰዊት ወያንጸፈጽፍ መዐር እምአድባር ወያሕመለምል አውግር

Amo 09:14 ወእመይጥ ዪዎ ሕዝብየ እስራኤል ወየሐንጹ አህጉረ ዘማሰነ ወይነብሩ ወይተክሉ ወይነ ወይሰትዩ ወይኖሙ ወይተክሉ አዕፃዳተ አቅማኅ ወይበልዑ ፍሬሁ

Amo 09:15 አልቦ እንከ ዘያወፅአሙ እምድሮሙ እንተ ወሀብክዎሙ ይቤ እግዚአብሔር ዘኩሎ ይመልክ

Amo 09:15sub